

Sed hoc loco harum scholarum viros insignes & probos *excusatio*
oro, ne de se scribi putent. Prædico, profiteor, me bono-
rum ac sapientum hominum in omni genere atq; ordine
studiosissimū esse nimīū audaces. laudare nō possum. Et,
si quid erit ad summos viros Physicos & Mathematicos
id ipsum nō uincēdi nimio studio, sed amicē differēdi, fa-
ctū à me fuisse cōtendo. Vidēt lectores, nō me arrogāter
agere, non cōuicia hic vlla, neq; hominū cōtumelias esse.
Rationes in medium afferam. Quare nullus in me æ-
quus et iustus lector poterit commoueri. Sed ad propo-
situm. Contendam Cometis naturam esse etiam nunc i-
gnotam: ex quo fiet, ut nulli sint istorum terrores, & uati *Propositi-*
cinia penitus nulla. Demonstrabo infirma horum esse ar- *tio.*
gumenta, & ea, quæ timent & spargunt, primū leuia,
post nefanda esse, demum nullo pacto fieri posse. Dicam
in fine, quæ mala post Cometam accidere possint, eadē
tamen à cometa nullo modo esse. Sed iā nostros Aruspi-
ces audiamus, qui omnes uno clamant ore:

Nunquam futilibus excanduit ignibus aether.

Et addunt.

Nunc grauibus morbis, & lenta corpora tabe

Corripit exustis lethalis flamma medullis:

Labentesq; rapit populas, totasq; per vrbes

Publica succensis peraguntur fata sepulchris.

Vniuersi demū Astrologi, Ptolomæo duce, quidā quoq;
medici, & nonnulli theologi à Cometa dicunt, dira, hor-
renda, pestes, clades, excidia, humano generi importari.
Quibus uocibus auditis, Patrone, uel in montium cauer- *Timidus.*
nis latitandum nobis, & hominum conspectus cauē-
dus est, uel uidendum quid rei sit, quid isti tam audacter
minētur. Metuere sine causa desipientis est hominis: qua-
re hoc ego, te præsertim duce, non comittā. Rei uero na-
turam inuestigare, uiri sane non tardī, atq; adeo perspica-
cis est. Quare hoc potius mihi agendum. Primū, *solers. 5.*
hoc genus hominum cum differit de natura ad poetas
adit, qui poetæ, nisi materiam philosophicam tractent,

A. 3.